

Na osnovu člana 51. tačka a) Zakona o visokom obrazovanju –prečišćeni tekst ("Službene novine Tuzlanskog kantona", broj: 21/21, 22/21, 5/22, 11/22 i 16/22), člana 291. stav (2) Statuta Univerziteta u Tuzli i člana 21.a Zakona o zaštiti ličnih podataka Bosne i Hercegovine („Službeni glasnik BiH“, broj: 49/06, 76/11 i 89/11), Upravni odbor Univerziteta u Tuzli na sjednici održanoj 18.10.2023. godine, donio je

## **P R A V I L N I K**

### **o video nadzoru na Univerzitetu u Tuzli**

#### **Član 1.**

Pravilnikom o video nadzoru na Univerzitetu u Tuzli (u daljnjem tekstu: Univerzitet), uspostavlja se video nadzor te se istim reguliše svrha, pravila obrade, korištenje i opseg ličnih podataka putem videonadzora u službenim prostorijama objekata Univerziteta.

#### **Član 2.**

Svrha uspostavljanja video nadzora u objektima Univerziteta je povećanje sigurnosti pokretne imovine u objektima Univerziteta, povećanje sigurnosti svih lica koja dolaze u objekte Univerziteta i povećanje sigurnosti studenata i radnika koji borave u objektima Univerziteta u toku nastavnog procesa te u periodu kada se ne izvodi nastavni proces (noćni sati, vikendi, neradni dani, periodi kolektivnog godišnjeg odmora).

#### **Član 3.**

(1) Sistem video nadzora u objektima Univerziteta obuhvata:

- a) Vanjske kamere,
- b) Unutrašnje kamere,
- c) Monitore za praćenje u realnom vremenu,
- d) Uređaj za snimanje, obradu i pohranu videozapisa.

(2) Video nadzorom su pokrivena zajedničke prostorije u objektima organizacionih jedinica i Univerzitetske Sportske dvorane: ulazni prostor, hodnik na ulazu te vanjski prostor koji čini okućnicu objekta bez zahvatanja javnih površina.

(3) Video kamere su postavljene u položaj kojim se onemogućava nadzor ulaza u prostorije i unutrašnjost učionica, kabineta, kancelarija, biblioteka, sportskog terena Univerzitetske dvorane, svlačionica i toaletnog prostora.

(4) Video nadzor je instaliran prema šemi kamera koje čine sastavni dio ovog Pravilnika.

#### **Član 4.**

Radnici Univerziteta, studenti kao i sva lica koja dolaze u objekte Univerziteta obavještena su o vršenju video nadzora, na način da je obavještenje postavljeno na ulazu u objekte i zajedničke prostorije u objektima (ulazni hol, stepenište) te je vidljivo svim osobama koje koriste prostorije.

Obavještenje je u vidu naljepnice adekvatne veličine na kojem se nalazi slika kamere i jasno vidljiv natpis "OBJEKAT JE POD VIDEONADZOROM" te sadrži podatke o kontroloru/kontaktu sa brojem telefona putem kojeg se mogu dobiti opće informacije o videonadzoru.

#### **Član 5.**

(1) Kontrolor video nadzora je Rektor Univerziteta kao odgovorna osoba.

(2) Kontrolor je odgovorno lice koje ima pristup monitoringu u realnom vremenu i uređaju za snimanje i uvid u nastale snimke.

### Član 6.

- (1) Monitori se nalaze na portirnici objekata, kojoj je zabranjen pristup trećim licima.
- (2) Monitoring nad video nadzorom imaju radnici na radnom mjestu "Portir" kao i lica koje posebnim aktom ovlasti kontrolor.
- (3) Uređaj za snimanje nalazi se u portirnici objekata, u posebnom ormaru koji je zaključan, a ključ se nalazi kod kontrolora na koji način je osiguran i zaštićen od pristupa neovlaštenih lica.
- (4) Pristup uređaju za snimanje i uvid u nastale snimke (pristup ličnim podacima prikupljenim putem video nadzora) dopušten je i radniku ovlaštenom od strane Rektora Univerziteta.
- (5) Snimci pohranjeni putem video nadzora se čuvaju 30 dana.

### Član 7.

- (1) Kontrolor će snimke nastale korištenjem videonadzora koristiti i obrađivati uz poštivanje prava na zaštitu privatnosti i ličnog života nosioca podataka u skladu sa zakonom.
- (2) Vrste ličnih podataka koji se obrađuju su: slika, snimak, datum i vrijeme.
- (3) Kontrolor može odobriti davanje snimka na dvd-u samo nadležnim organima u obavljanju poslova iz svog zakonom utvrđenog djelokruga, temeljem pisanog zahtjeva koji mora sadržavati svrhu i pravni osnov za korištenje podataka.

### Član 8.

- (1) U skladu sa članom 21.a Zakona o zaštiti ličnih podataka Bosne i Hercegovine obezbjeđuje se zaštita i obrada ličnih podataka prikupljenih putem videonadzora:
  - a) Snimci pohranjeni putem video nadzora na određenom prostoru na osnovu kojih se može identificirati nosilac podataka predstavljaju zbirku ličnih podataka.
  - b) Kontrolor koji vrši video nadzor, putem web stranice Univerziteta, obavještava radnike o opštem aktu koji sadrži pravila obrade s ciljem zaštite privatnosti i ličnog života nosioca podataka.
  - c) Kontrolor koji vrši video nadzor je na vidnom mjestu postavio obavještenje o vršenju video nadzora i kontakt putem kojeg se mogu dobiti pojedinosti o video nadzoru.
- (2) Rektor kao ni bilo koja druga osoba, ne smije koristiti podatke prikupljene video nadzorom o osobama izvan njihove zakonske namjene, a raspolaganje snimkama dopušteno je samo Rektor.
- (3) Evidencija nad zbirkom ličnih podataka prikupljenim putem video nadzora definiše se članom 13. Zakona o zaštiti ličnih podataka Bosne i Hercegovine.

### Član 9.

- (1) Ovaj Pravilnik stupa danom donošenja.
- (2) Stupanjem na snagu ovog Pravilnika prestaje da važi Pravilnik o korištenju videonadzora u objektima Univerziteta broj: 04-295-1-4/20 od 21.01.2020. godine.

UNIVERZITET U TUZLI

Broj: 04-5707-1-6/23

Tuzla, 18.10.2023. godine



PRESJEDNIK

UPRAVNOG ODBORA

Dr. sc. Semir Ahmetbegović, vanr. prof.